



自  
至  
明  
十  
七

大  
正  
十  
七



# 皇明七山

# 人詩集

七山人詩集序



文之難工莫如韻語而律為甚律  
 有五七言而七言為甚蓋古風可  
 任意排宕而律則動有法程句短  
 則調易蒼而語長則氣滋弱歷歷  
 用兵紀律之師與野戰之衆孰優

強弩之穿與短兵之接孰艱不待  
智者辨之身故李于鱗謂七言律  
諸家所難王維李頎頗臻其妙杜  
子美篇什雖多墮焉自放矣王元  
美謂王維李頎雖極風雅之致而  
調不甚響子美雖不無利鈍終是

上國武庫信若此是有唐三百年  
來幾無全盛而何論其他難可知  
已不佞為諸生時僅知攻帖碑於  
此道良淺比入中秘得發篋編讀  
漢魏以來迄  
昭代諸名家所喁咏頗有會心而



於七言近體尤號昌歎之嗜因思  
先正評制舉業有云八股文字與  
造化相侔生長收藏一篇備四時  
之氣今邇其體裁大摠彷彿律詩  
而至於五十六字包含元氣尤非  
汎汎帖括可比偶見坊間有七子

詩一編實先得戒心但臚列皆縉  
紳先生僅一山人廁其間又生當  
其時為素所狎習者餘固不無遺  
珠也唐以詩賦取士而李杜兩宗  
匠不繇制科今士以經義顯而推  
敲於簿領公餘據所就反有加於

序三  
煙霞枕漱者上哉緬維歷下瑯琊  
諸君子皆名公鉅卿不翼而蜚聲  
宇內山中被褐行吟技以窮工者  
不知凡幾非附青雲而聲施其道  
無繇每欲歷蒐古今山人詩梓行  
於世而力有未遑姑昉七子義例

近選隆萬以來耳而目者士人亦  
如其數以為別部鼓吹取材既具  
尚闕其一適同門汪歲星持其尊  
君年伯介如先生郵燕詩卓見示  
強半近體余受而卒業見其沈雄  
爾雅直逼開元大曆使七子而在




序四  
當把臂入林鳥有是哉卓澤洵多  
逸才遠求之天下詎忍近失之同  
志爰彙為七山人集付諸剞劂歲  
星曰七才子膾炙人口久矣而茲  
集另結氣味其為江瑤柱耶酪蒼  
頭耶六山人羽儀宇內久矣而家

君備數作者其為狐腋聚耶貂尾  
續耶手眼各別知罪何常明公盍  
弁數語為此集玄晏庶懸諸國門  
不至覆甑貽哂小子行且捧檄而  
南齋副墨為趨庭啓事奚啻分金  
莖露伏稱觴耶不佞唯々爰述疇

昔嘗見顏諸首簡噫嘻序詩而獨  
有當於近體仍不離八股伎倆識  
者將毋笑予有獵心也歟抑不佞  
楚人家在郢中陽春白雪請先擊  
節為屬和者唱至於技工選精具  
耳皆可為鍾期亦笑不佞贅矣

時

天啓乙丑仲秋吉旦景陵劉必達  
題





皇明七山人詩集目錄

徐渭

詩三十九首

盧梅

詩一十八首

陳繼儒

詩五十一首

王樾

詩五十二首



梅鼎祚

詩五十七首

王寅

詩四十九首

注時和

詩一十三首

皇明七山人詩集

徐渭字文長山陰人

初為縣庠生胡少傑宗憲督兩浙聘為幕賓時督府得白鹿以獻

世廟渭代作表夫稱旨胡公繇是益加敬禮一

切疏記皆出其手後總督罷去渭以難賦

死法得張殿撰元怵力救乃得出蓋其

文佯狂避跡當道慕名造訪罕見其面沒後

袁中郎見其遺稿賞慕叫絕謂有嘲一人云

登滕王閣





南浦雄州開水上高臺積翠遶天涯  
匡廬地遠連翠樹荆楚山長入晚霞  
新閣不巢唐幕燕茶林多下漢江鴉  
歸船便取章門路西去郊原日易斜

人日立春

年來日日風清日今日風清更可人  
遙獻美湯憐送節更聞金勝簇新春  
烟添柳色看猶淺鳥踏梅花落自頻  
東閣早時聞一曲却令和客不勝新

送妓人入道

蓋出華鈿與四隣雲霞剪去厭殘春  
暫驚風燭難留世便是蓮花不染身  
貝葉欲翻迷錦字梵音初學悞梁塵  
從今艷色歸空後湘浦今無解佩人

送友人入鄖陽

纔共燈前倒玉卮忽聞劔佩繫青絲  
別予去放瀟湘水爲客正當桃李時  
應船魚鄉頻買酒暫投江寺一題詩  
却憐不得長年少何事年年長別離

送友人楚游

君去華容近洞庭况逢秋水此時平  
若教論道逢河伯未必談經讓董生  
千古異同何日定一函衣鉢幾

人承憑君莫說謙虛話嶽麓書堂待主盟

和玉芝上人蘭亭詩

茂林修竹舊相傳千古殘碑野草湮碧水曾聞王謝語  
青山不異永和年葉飛錫杖峰前路樵指流觴澗底泉  
回首雲門孤月上清光遙送鑑湖船

送通政胡君入閩

訪舊暫爲閩海客歸途兼得武夷游不堪暮雨張筵別  
况值春花帶葉抽山障入雲迷去騎溪濤作雪流行舟  
幕中無事同君飲好向尊前借筋籌

言游武夷道中撫景因憶往年尚賓呂君天台

之約

巖壑千重路轉偏春陰漠漠帶炊烟困投野店聊呼酒  
笑問名山數舉鞭籠鳥對人喧曙色桃花臨水弄新年  
多情忽憶天台約歸去應尋剡曲船

落花

花落條空芳樹稀秦王宮裏捲羅衣經過楚巷兼人麗  
乍入梁園雜雪飛送雨迎風俱是別沾泥帶水不能歸  
明年知向何枝發願傍青陽近日暉



十四夜

野外虛堂夜不扃遙遙秋漢數峰青舊栽菱葉侵河  
路新折蓮房插膽甌涼氣欲來先到水月光纔上只  
移櫺請看明夕三更漏相對何人坐紙屏

與客登招寶山觀海遂有擊楫岑港一窺賊壘  
之興謹和開府胡公之韻奉呈

滄海遙連雉堞明登臨喜共暮賓清千山見日天猶  
夜萬國浮空水自平不分番夷營別島願圖方略至  
金城歸來正值傳飛捷露布催書倚馬纓

贈秦仲虛

冰玉山人本絕埃西湖自築初陽臺何年養鶴曾飛  
去是水當門盡遶來道士忽逢松樹下漁舟放在藕  
花隈知余欲與爲隣舍指點孤山一角梅

贈遼東李長君都司

公子相過日正西自言昨日破胡歸寶刀雪暗桃花  
血鐵鎧風輕柳葉衣百口近來餘幾箇一家長自出  
重圍禪關夏色炎如此聽罷悽霜雜霰飛

小集滴水厓朝陽觀

朝陽道觀一何懸滴水孤厓百丈邊餘氣出關雄火  
漠長風吹壁立青天窗扉近在栖鷗處閣道都攔坐  
客前不信夜來高頂望定應笙鶴下飛仙

送新昌潘公

北斗聲名重二京東朝保傅謝初榮百年華髮晞三  
握一日車輪送滿城漸喜河冰仍綠水稍聞鄉雪盛  
黃精快帆定落歸心後客夢幾番天姥青

將別復偕遊碧雲流觴枯柳之下

征輿解道明朝發別酒遙從此地酣盡日迴腸依曲

去年種柳似江潭霜高野氣寒偏促雪滑泥長馬  
不堪差有梅花知客意一程開過一程南

李子遂歿予設位哭之遂擊木而歌此

淚盡南天哭不回李生真是可憐才生芻解識徐家  
物死夢應尋范式來紫氣鎮千埋不得青楓刺繡任  
成灰知君去證金環果戲取楊花李上開

讀問林堂集擬寄湯君

蘭若翡翠逐時鳴誰解鈞天響洞庭鼓瑟定應遭客  
罵執鞭今始慰生平卽收呂覽千金市直換咸陽許



七山人詩集 卷之一 五  
座城無限龍門蠶室戾難借書札報任卿

自空道走居庸雪連峰百仞橫障百折

昨夜飛花苦不多朝來起視白峩峩一行裘帽風中  
去半日關山雪裏過銀髻望夫高入漢玉屏隨客折  
成河中間一道明如線四角紅氍擁數騾

送丁叔子北上慰乃兄

令威三世通家好廿載遷居會面賒醉我龍鐘纔地  
主憐君馬首又天涯春燈雨雪瀟瀟夜野店茶湯處  
處家想見皇都堤草綠春鷓細語落花

亞夫墓

王者從來云不死共疑隆準及重瞳已占龍氣成天  
子却幸鴻門敗乃公一牧乳羊遮墓白幾株寒棗覆  
碑紅憐儂疽發不欲活豈爲人間少鄧通

春興

乾坤瞬息雪邊風萬事陰晴雨後虹已分屠門齋後  
斷只難酒盞座前空半緡榆莢求書客數點梅花換  
米翁小飲墻西隣竹暗綿蠻對對語春叢

紅葉

纔見芳華照眼新  
又看紅葉點衣頻  
只言春色能嬌物  
不道秋霜解媚人  
宮水正寒愁字字  
吳江初冷錦鱗鱗  
更餘一種閒風景  
醉雜黃花野老巾

蘭亭次韻

長堤高柳帶平沙  
無處春來不酒家  
野外光風偏拂馬  
市門殘帟解開花  
新觴曲引諸溪水  
舊寺巖垂幾樹茶  
回首永和如昨日  
不堪悵望晚天霞

重修乾清宮成迎慈聖再御

闔闔重新紫極熙  
姬姜再御寶軒移  
慈顏既近趨

承易聖體猶冲保護宜  
烏換歌筵前日曲  
花繁華

路舊時枝一人奉養兼  
天下大孝鴻名萬古垂

賞成氏牡丹和韻

將軍臺館俯林樾  
春後名花幾日鮮  
一本千金非不

貴數杯深夜轉堪憐  
却披半暈當亭下  
似出殘燈

客前遙憶舊京歡  
賞處馬蹄塵土踏成烟

戊辰念有四日尚賓時  
中宿於園夜大風雨冰

厚尺詰朝得子甘  
北報走筆遍諸友

夢裏分明夢塞鴻  
朝來便有鯉魚通  
話深白榻三人



雨冰斷黃河一夜風馬億豈堪重蹠蹠烏飛何苦辨  
雌雄雲天萬里嘗嫌窄恰作庖雞鎮日籠

莫老至壘矣

幾度相逢莫丈人幾年斷却耳根塵新潮正險君何  
冒舊雨重來話只陳梅樹一堤通處士桃花雙板閉  
漁津詩名到處南金重自嘆工詩老更貧千金非

岳公祠

門朱戟碧湖中湖上桃花相映紅四海龍蛇寒食  
六陵風雨大江東英雄幾夜乾博忠孝誰家

豆同腸斷雨宮終朔雪年年麥飯隔春風

十月廿二日園西櫻桃數花梗有蝶至

令節初冬逼下旬櫻桃數杪着花新天寒翠袖宜深  
幕日莫紅簾訝美人小頰預施三月粉微脂未褪昨  
宵唇梨花定不開天上百姓人家借小春

九月朔與諸友醉某子長安邸舍得花字時一

舊友稍貳故及之時又值大除溝道

滿庭山色半闌花觴曲交飛古俠家肝膽易傾除酒  
畔弟兄難會最天涯不教醅酎歸何事望到茱萸節

尚餘燭暗溝渾都莫慮近來官道鏟堆沙

送婁某丞丹陽乃祖御史

吾兄驄馬後昆賢今佐鳴琴倍灑然雙杪長松廳事  
後三吳流水大江邊應憐道路疲迎送莫買鱗鱉糜  
俸錢他日相過莫相忘金山頂上酌清泉

答嘉則

十年纔一問平安咫尺渾如對面看舊日詩評雖有  
價近來公論孰登壇百年忽已崦嵫暮一齒時崩首  
霜盤臘雪秋潮同馬日何人不道是金蘭

請五洩驢上口占寄駱懷遠

勝賞猶懸百里堤蹄僵路滑不勝泥溪山待客寒雲  
外雨雪逢君楓樹西束帶豈難官自懶尺箠不重老  
能提何由共轡蒼苔上指與諸峰一一題

賦得萬綠枝頭紅一點

各園樹樹老啼鶯葉底孤花巧弄春已拚濃陰渾覆  
鳥獨留殘艷尚撩人青樓百座迎桃葉翠袖傾宮捧  
太真記得隴西長吉語斗筲如海爲朱唇

書劉子梅譜



江南風物在新春筆底生花幻水村似月付將千片  
影因風欲動一窻痕逢人固是難攀折入帳還應惱  
夢寬笑殺朝來無粒米呼童捲向市邊門

送某之太倉

吳中曾客幾經年此去書帷得主賢潮認舊人頻到  
岸燕穿新柳特迎船蘆芽白白河豚上梅雨昏昏海  
國眠應憶越山籠鶴在長於月出叫孤圓

元夕休寧道中遙憶鄉里

陌上雙雙結袂頻翩如飛燕蹴輕塵一年樂事花  
水幾夜他鄉月照人驛路酒家留去馬溪橋梅色弄  
新春相隨惟有孤龍劍會向囊中笑客貧

賦得清秋落葉

白帝乘秋乘素蛻青娥挾露弄風威榮枯不敢違天  
意搖落偏當寄客衣大漠霜淒隨角散孤城月白伴  
砧飛鏡中不久繁桃李愁殺秦川織錦機

皇明七山人詩集

皇明七山人詩集

盧枏字次梗濬縣人太學生負才自豪不可一世

魏考功命賦紫騮馬揮毫數百言立就後以意

氣忤縣令中以危法坐大辟當事者憐其才出

之張司空佳胤令濬時於獄中常加問勞及出

桎梏未除庭謁張公引至副署列席坐隅枏輒

岸然據上坐張公卒善待之有蟻蠅集行於世

慈壽宮

漢宮羅列倚雲霄鳳翥龍飛積翠遙東顧扶桑延日



說西連雪嶺入寒宵皇輿拜舞臨黃道仙仗續紛纒  
紫朝諸將謾勞繁鼓角至尊今已奏蕭韶

贈李金吾口號

漢家飛將李將軍三十承恩淨虜氛馬蹀金微橫朔  
氣箭傳青海動燕雲陰風漫捲賢王陣大雪長驅突  
厥羣未信封侯縣鵲印已頒新使煥龍文

七夕

去年七夕登浮丘今年七夕客燕州仙槎獨憶銀河  
水桂樹誰看玉露秋  
下井狀驚別淚蟲吟花檻送  
添愁半生自信庾開府懷抱於今賦遠遊

古意

漢苑春繁鎖縟紗銀窓嬌小護仙葩朝雲裊裊行清  
曉落月娟娟見玉華湘女漫彈瑤瑟怨天孫虛憶紫  
烟槎使君五馬何軒豁佇望郊端栢影斜

贈關中陳一泉廣文

魏闕恩光落上台龍門賓客會羣材太玄無媿侯  
誦九辨何勞宋玉哀江漢秋容松葉澹宮墻春雨杏  
花開明時擬有石渠詔翰苑驚看補衮才

憶昔寄錢同野弟

憶昔讀書住石城青山對落兩山橫江潭夜傍魚龍  
宿軒牖晨看日月生多病浸淫漢司馬著書憂憤趙  
虞卿匡廬舊約空回首腸斷清宵淚濕纓

九日奉懷謝四溟逸人兼酬往日見寄之作

鄴中辭客古今才千里秋深發興哀陶令行藏只畫  
醉孟嘉容止獨清裁山萸細細團風裊園菊亭亭  
雨開白首思君何處望烟雲苦憶魏三臺

震岡集留別

城闕秋還白露清十年懷抱與君傾彈琴細憶  
散痛哭猶憐阮步兵絕巘松枝元自峻經時花蘂爲  
誰明開樽莫負中宵賞別去愁看銀漢橫

秋月懷錢同野

象魏獨憐秋氣清苦垂窳頸且長纓背巢寒鳥經年  
別出塞浮雲盡日橫鮑叔衣冠頻悵望彌衡詞賦已  
吞聲滄州憶汝傷心極坐嘯驚看白髮生

送林越山廣文之石城尹

粵海炎州氣未疎高涼快爽此安居蔡彤有待殊方



詔虞詡終收太史書茂嶺秋深纔見鴈廉江水緩自  
生魚慎時努力加餐飯返浦看乘白鷺車

赴理大名道中感李有池惠粟之作

關塞遙憐霜露清燕雲漠漠鎖層城鄒陽不盡十年  
淚鮑叔猶深萬古情秋水魚龍休悵望春風鷺雀賴  
生成酬恩欲擬愁難賦坐嘆空垂白髮莖

聞比部李滄溟出守順德書此寄上

漢署仙郎何處求高旌知駐古邢州漁陽久待張君  
淑河內爭迎郭細侯舊日石門曾拒墨此時銅馬莫

輕謀畏途遠附青雲翼慷慨長嗟寄壯遊

立春前夜宴張嶺山明府宅

城拆傳聞客子夕清罇一發便宜人巴江水汎雲邊  
臘嶺嶽天開雪後春避地衣冠從懶慢驚時花鳥自  
逡巡愧知張翰留顏色擬許盧敖隱釣綸

醉後射魚宿羅山人草堂

南射滄溟十丈魚碧潭搖影動清虛太行遠望仙人  
嶂淇水斜臨高士居曉傍楓巖留客飯夜歸蘿徑卽  
吾廬何時共策清藜杖爲覓中山白鹿車

觀妓卽席走筆

楚女東隣未是過，秋來休似隔銀河。  
香鬟小學平陽舞，艷曲低翻子夜歌。  
弄日鴛鴦窺綺幔，偷春蛺蝶避花羅。  
大堤此夕堪腸斷，回首猶憐逝水波。

贈羅月巖推府迎侍還萬安

漢京仙客知名早，佐郡驚看漳水濱。  
南楚花明萊子服，西山樹送狄公雲。  
高秋大澤龍蛇隱，落日寒江鷺角聞。  
最是少微干象緯，天風先報洞庭君。

春晚將還舊業諸公送遠賦方水雲以病不至

作此留別

青春載酒尋君處，君病春殘我亦回。  
背葉流鶯愁對語，捎泥乳燕恹飛迴。  
烟雲莽莽高歡壘，日月荒荒魏武臺。  
醉裏劒歌時自放，白頭還望轉堪哀。

登南城樓有感兼懷荀前川

獨上高樓四望明，海天愁色起縱橫。  
黃雲不斷飛狐塞，殺氣遙連偃月城。  
未訝健兒能陷虜，早聞白羽尙徵兵。  
封侯知有荀公達，好向中朝事請纓。



皇明七山人詩集

皇明七山人詩集

陳繼儒字仲醇華亭人初爲郡諸生有盛名蚤歲

卽謝去舉子藝以千秋大業自期待卜築山中

讀書樂道博極典故成一家言多躬行性命之

談爲經綸風化之助詩詞文翰蔚爲世寶郡國

守相罔不造廬朝野咸識其高踪薦辟屢勤於

十五 啟事其所著述藏諸名山者甚富坊刻其一

耳

送項東鼇入覲

昔年鳧舄影翩翩仙令華亭度紫烟縣底依然桃李  
色囊中幾賦筆花篇朝天重拍一雙鶴指日還調  
十五絃共說張華今入洛劍光高逼斗牛邊

壽吳醫士父

君自延陵季子儔黃花酒熟正當秋閑來共客扶鳩  
杖醉後憑人整鹿裘茶碾就烹蕉葉下藥瓢斜桂杏  
枝頭仙郎更有長生訣海屋新添七十籌

答遠

經旬隱几廢簪冠不住深山得考槃酒德未能通草  
聖兵符或恐在蒲團吾從屠釣才應老手卷風雷夢  
亦寒却笑故人窺此意題書千里勸加餐

沉泖登塔

明河秋水浸長天倒影奔流瀉百川地脉空虛浮色  
界波光搖蕩入村田江清霜氣酣紅葉月暈寒濤吐  
白烟醉後乘潮弄歌去浪花不動老龍眠  
湖上舟扁酒一瓢蘆花影裡碧雲遙風吹大澤生陰  
火天入平沙斷野橋神女弄珠乘夜月支公飲酒浴  
春潮茫茫烟雨無尋處鷗鳥飛來欲聽簫



寺門楊柳聚栖鴉塔上寒燈落葦花水月平臨空作  
觀烟波縈遶樹爲家鐘殘鳥食施荒草日午龍髯曝  
暖沙一片石臺秋色裏老僧時出浣袈裟  
四面空波捲大荒中州有寺繞重楊水扉風送青無  
色石塔烟籠白寶光虹氣吸雲疑海市神燈騎浪渡  
魚梁臨流無限懷人意愁殺蒹葭一夜霜

三柳重陰贈賀項華亭課最北上

月明花影滿河陽奏最曾聞達建章十道徵書隨鳳  
下五雲飛鳥化鳧翔珠簾不捲絲桐靜寶篋猶藏諫  
草香遙想縣門垂柳色它年應擬似甘棠

送方衆甫北上

司馬乘春向北平陰符在匣寶刀橫莫因雨雪愁行  
路聞說關門欲解兵芳草未銷殘燒跡黃河直壓飽  
帆聲到時知爾烽烟淨好爲題書慰耦耕

詠白燕二首

游絲淡蕩若爲容此日翻憐粉黛工傳信不隨青鳥  
去忘機時狎白鷗中路殘玉樹晴還雪飛傍珠簾  
是空別院春光更無限梨花夜月柳花風



紛紛白水滿春塘  
淡雨微烟更渺茫  
新壘堯花紅粉薄  
隔樓芳草雪衣涼  
舞翻掌上明珠色  
零落釵頭片玉香  
正是懷人太無賴  
忽驚殘月照空梁

偕佛占嘯民下山同汎嘯民善嘯

下山迴棹晚春和  
扇底魚吹樹底波  
欹枕卧看山氣好  
焚香靜覺鳥聲多  
青天渺渺仙人嘯  
白石粼粼漁者歌  
歸去只愁車馬路  
板扉何日長深蘿

送王辰玉

岐路徘徊泪欲潛  
臨行折贈芍班班  
秋聲霜煖未聞雁  
日落草枯惟見山  
幾向斷橋鞭款段  
何時修竹坐潺湲  
欲知別後愁如許  
滿篋新詩爲爾刪

賀詹郡侯考滿并壽

百里陽和大海東  
循良今喜得文翁  
治先禮樂行吳最  
邑有絃歌識魯中  
春風馬帶桃花色  
寶篆香隨柳絮風  
御屏已自親題姓  
千載還知勒鼎鍾

賦得宮人鬪草

內家結隊鬪春光  
雜坐花茵笑語忙  
歷盡夜來金釐路  
不禁扇底畫衣香  
羞拈游女尋常種  
試問宜男若



個藏莫戀幽叢候新月後宮卷耳未盈筐

山中作同沈孺休孫世聲

籃輿游倦便貪眠  
彝鼎圖書自在緣  
洗耳尚逢高士  
笑折腰肯受小兒憐  
白駒谷口花迷路  
黃犢廬邊稻  
滿田雪色後槽新  
壓酒客來不費杖頭錢

壽朱近溪

幾年踪跡歎飛鴻  
歸隱携家泗水東  
回憶兒童騎竹  
日漸隨長者看花  
筇心閒未許催頭  
白客少非關借  
酒紅四壁雖貧書  
萬卷衡門紫氣已  
成虹

構李丁烈婦伏劔殉夫士大夫卜壤塋之送者

萬餘人拜墓之後感而賦此

欲罷招魂調轉哀  
傷心今古自徘徊  
等閒白骨成秋  
草爾獨黃金策夜  
臺照鏡孤鸞隨影  
盡讀碑下馬幾  
人來雙旌莫遣經  
羞墓怨霧愁雲黯  
不開

孤墳半畝枕蒿萊  
一點冰心若個猜  
老樹叢兩孤

泣百花香土鳥啣  
來永傳幼婦江邊  
石不作秦王劫

寒灰寂莫千秋誰  
弔古短衣白髮掃  
蒼苔

伏劔從夫亦大奇  
清風百世汝真師  
鏡分地下終



合兵解人間未可知名士如雲爭上冢使君不日起  
專祠玉鳧金雁豪家墓仆盡空山沒字碑

蕭條露屋度年華女史何曾授大家不分紅顏輕白  
刃却勝青塚怨黃沙血痕黯淡凝啼竹燐火微茫照  
續麻松柏凌寒高百尺嚴霜休打女蘿花

撮土雖新骨尙香行吟到此盡沾裳劒花血濺千年  
碧墓草陰扁六月霜正氣晝能驅魍魎清魂春不化  
鴛鴦道傍古塚是壘者誰采溪蘋薦一觴

少年慷慨激頽波奈編今朝勝綺羅有鳥求凰別求  
在生男如虎不如它英雄半自州花死仙骨須知節  
義多化霍夜歸華表上令威消息恐蹉跎

新秋六首

夜來秋色到梧桐片葉分飛禁苑中鴻雁一聲長塞  
北鱸魚七月大江東青樓少婦調砧杵白馬胡兒問  
角弓大火西流寒欲近授衣誰復念幽風  
一片秋聲入埜塘西風蕭瑟響寒螿馬嘶大漠川沙  
白鷹下平原草木黃疎菊籬邊如待酒芟河池上  
爲裳懷人萬里情無限隔岸兼葭夜未霜



悲秋無奈獨高歌，歌罷其如秋色何。  
金屋佳人啼素扇，玉門老將枕瑯戈。  
玄蟬咽露驚飛葉，烏鵲披星欲渡河。  
聞說洞庭湖水澗，朝添新綠漾微波。  
西望瀟湘秋水長，大風初捲白雲揚。  
銀河夜落機中錦，玉露朝侵陌上桑。  
螢渡空梁栖燕幕，魚翻靜渚戲蓮房。  
亦知此日行吟者，一段愁心挂夕陽。  
暮雲縹緲大江邊，搖落秋風又一年。  
古堞啼烏星欲暝，荒臺游鹿露初鮮。  
陰陰樹色遲清夢，杳杳鍾聲兀懶禪。  
多少天涯游子，在劒花影盡芋衣單。

北苑秋風正寂寥，荒原落葉正蕭蕭。  
寒沙帶雁沙飛盡，冷澗無魚水不流。  
一雁下秋空，千林落木驚。  
野橋流水無人渡，獨渡前溪口。  
柳葉菱花一尺潮。

雪中舞鶴

舞鶴曾披羽，飛文雪中妍。  
態更紛紛碧，空搖曳仙人。  
馭綯素鵬，君子軍響作珮環。  
敲夜月影翻簾幙，卷晴雲寒鴟。  
饑鶴空相妬，雲漢孤蹤自不羣。

秋暮遙聞鶯露悲，凌風獨傲歲寒時。  
六花玉剪青田，三樹珠縈碧落姿。  
北海霜鴻猶避弋，西雝雲鷺可



七山人詩集 卷之三 七  
為儀從今清賞銀屏夜不遣紅兒按柘枝

雲黯淡景淒淒密霰踈翎高復低粧罷臨風梅隨  
袖長垂地絮沾泥貞姿不羨彈珠雀清影如調吐  
綵鷄聞說越裳來白雉鳳池春暖好同栖

雪花輝映鶴澄鮮上下參差兩鬪妍丘壑自誇孤翮  
徙風塵不作折腰憐竹岩墜响頻迴步茶竈飄香欲  
避烟聳翮直憑高處望何人乘月剡溪前

九臯逸格杳難攀更喜冰霜爲洗顏四望流光真淡  
宕一回弄影亦高閒故人風動寒珠箔羽客春開  
玉山多少雕籠雪衣女羈心空托隴雲還

簾籠佳氣曉氤氳掠袂低鬟屢顧羣碎羽滿空遙莫  
辨清音摩漢始相聞纏頭點綴紅香錦洒翰淋漓白  
練裙蕙帳依然明月在夜寒休怨北山雲

霜紈冰繭疊輕茵有鳥來儀小院春穿入梅花詩  
彩撲殘瓊樹落香塵御風玉洞肩高頂弄月珠簾影  
似人太史書年方表瑞兩階干羽莫辭頻

飄蕭松竹偃雕闌頂颺桃花只未殘洗刷但教塵土  
淨翩翩不惜羽毛寒冰絃凍拍雙飛雁玉鏡春描對



照鸞緜嶺月明多故侶高軒雖好莫盤桓  
瑞葉玲瓏映綺疏蕭蕭仙翮戲庭除花林索伴騰猿  
影苔砌尋踪印鳥書寒色離披珠母障春風蕩漾玉  
人裾當年有客呈鸚鵡誰信冰山化子虛  
兔園春動物華新靈羽聯翩顧影頻欲逞華姿金躡  
翅不禁寒艷巧迴身電飛俠骨雙丸劒風卷蠻腰獨  
步塵殘毳一庭如積素莫教齊付掃花人

壽汪先生九十

滿肩雪髮老南華九十春光日未斜鳩舞杖頭印後  
玉鶴隨履齒啄丹砂新詩帶月題蕉葉清嘯臨風入  
洞花長飲一盃廉吏水不須洞口問胡麻

壽周崇德

年少初傳卓魯名德星遙傍歲星明綵毫曾冠三千  
牘綠綺新調十五聲花縣雲開鳧鳥近萱城雨洗鵝  
橋清天孫謾說支機石爭似神君製錦成

送蔡禮卿之嶺南

鷗弓虎韞好橫行年少江東久著名不獨韜鈴無對  
壘從來詩句亦長城寶池印月珠胎動犀火燒雲海



惟清試壓荔枝千石酒臨流一酌伏波營

春暮作

初來風雨頗支吾花事於今尚有無終日捲簾通燕  
燕一春高枕唱烏烏村深高饌供櫻笋水落魚竿桂  
荻蘆莫笑迂踈長閉戶誤人頭白是陰符

壽丘伯畏六十

時逢長至

清時乞得五湖身自許烟霞嶺外臣金郤四知無莫  
夜酒逢千日有長春鳴琴堂上絃如綺舞袖尊前錦  
更新玉官賜和生氣轉夜來還送石麒麟

壽關使李叔玄母夫人

關門使者最稱賢更喜高堂引大年綉佛齋前持偈  
文麻姑海外有書傳官清乞得五千字道遠難將第  
二泉獨寄一廉堪壽母行裝不佳水衡錢

贈貫蘓臺

芟荷衣冷葛巾斜人說當時季子家片片青山落君  
手年年白髮買烟霞杖頭錢挂中千酒籬下菊留重  
九花來去扁舟有秋水逍遙應不讀南華

壽韓封君七十



宮袍遙祝酒雙斟  
畫錦堂前樂事深  
玉軸帝恩頒紫  
誥彩毫文學到  
雞林齊眉案有  
長春酒洗耳門  
無暮  
夜金舊說龐公  
偕老處何如朝  
野獻謳吟  
蕭蕭華髮未盈  
冠百歲松筠傲  
歲寒晚節到頭  
成蔗  
况雄心歛盡付  
蒲團青山甘隱  
封侯骨白日難  
消不  
老丹有子名高  
循吏傳恩綸咫尺長安

軒司馬首唱依韵奉和

節旄零落厭時名  
白髮黃柑酒對傾  
下士不辭虛左  
席何人堪入汝南  
評啼鳥樹老悲風  
動羅雀門深夜

壽關使李叔玄母夫人

開門使者最稱賢  
更喜高堂引大年  
綉佛齋前持偈  
文麻姑海外有書  
傳官清乞得五千  
字道遠難將策  
二泉獨寄一廉堪  
壽母行裝不住水  
衡錢

贈貫蘓臺

菱荷衣冷葛巾斜  
人說當時季子家  
片片青山落書  
手年并白髮買烟  
霞杖頭錢挂中千  
酒籬下  
九花來去鶴丹有  
秋水逍遙應不讀  
南華

壽韓封君七十



宮袍遙祝酒雙斟。畫錦堂前樂事深。玉軸帝恩頒紫  
誥彩毫文學到雞林。齊眉案有長春酒。洗耳門無  
夜金舊說龐公偕老處。何如朝野獻謳吟。  
蕭蕭華髮未盈冠。百歲松筠傲歲寒。晚節到頭成  
境。雄心歛盡付蒲團。青山甘隱封侯骨。白日難消不  
老丹。有子名高循吏傳。恩綸咫尺下長安。

軒司馬首唱依韵奉和

節旄零落厭時名。白髮黃柑酒對傾。下士不辭虛左  
席。何人堪入汝南評。啼烏樹老悲風動。羅雀門深夜

色清。聽罷艱危各惆悵。梅花寒笛起高城。

英雄垂老未藏名。廿載深心向客傾。樵牧誰收文苑  
傳。聖賢還付舊鄉評。老梅約束香中韵。凍月虛驕格  
外清。自倚冰霜詣歷盡。不愁寒色動江城。

贈梅顛道人

謫來塵劫度年華。仙府詞臣第一家。五岳峰高踰綠  
髮。六銖衣曉綉丹砂。新詩帶月題蕉葉。清嘯隨風入  
澗花。骨相從看似山鶴。終將野性傲烟霞。



皇明七山人詩集

王穉登字百穀江陰人徙居金閶少補常郡博士

弟子員以才著汎濫子史沉酣騷雅尋入太學

北遊京師表相國煒召為記室每一賦詩輒稱

善遂為延譽於長安諸貴無何相國捐館為忌

者所柳榆故嘗為袁公客者誠穉登母得稱相

國門下士穉登愈益自附且不遠千里哭袁公

於家士論多之有晉陵等集二十一種稿行於

世

秦汝立見過

夏雨房櫳樹色新  
餘寒冉冉似殘春  
閒居不務爲高去  
散髮何妨對故人  
病向把杯知興減  
貧於鬻客見情真  
相逢莫笑交游絕  
庭下琅玕意自親

送陸生歸吳門

雀舫春潮深百尺  
龍城暮雨暗千花  
他鄉對酒同爲客  
明日愁君不到家  
喜有知音遇鍾子  
慙無竒字教侯巴  
踏歌送子城東陌  
日落江寒鴈字斜

移家日何內翰見過

移家乍向金昌陌  
忽在軒本不期寒  
雨落花人未掃  
空堂留客鳥還疑  
十年已羨文如錦  
今日相逢髯有絲  
儻謂主人能好事  
重來看竹定何時

辛酉元日

蕭然雙鬢鏡臺前  
二十今朝又七年  
玉曆重頒滄海外  
桃符猶寄五湖邊  
城陰埜笛人歸社  
柳畔春潮酒滿船  
曾是梁鴻棲息地  
土人春杵憶高賢

人日客至

開歲陰陰雨未晴  
今朝清旭麗柴扃  
城中雪片過人



日竹裏椒盤聚德星酒價故隨鶯語貴柳絲全向馬  
頭青梅花玉曆年年病心折明時尚一經

顧大有先生顧願父文學見過

新卜茅堂巷陌偏丈人相過夜蕭然一林楚竹留嘉  
客十月羗桃簇野筵詩與青山俱秀色人將白鶴共  
流年華宗文學年何少亦有驚人白雪篇

新秋感事

信有清風不厭貧吹簾入幌轉相親紅顏薄命空流  
水綠酒多情似故人服藥難辭星入鬢閉門長與竹  
爲鄰黃金散盡真堪惜前日親知是陌塵

壬戌除夜

忽忽流光歲屢移燒燈對酒不勝悲雨寒山縣梅花  
寂地僻柴門玉曆遲市上香醪杯上雪旅中青鬢鏡  
中絲故人若問廷前竹葉葉枝枝似舊時

癸亥元日

殘臘陰陰雨滿城今朝元日是新晴酒樓日凍南山  
雪柳岸天寒遠墅鶯寶劍千金五陵俠銀箏一柱十  
年情從來王粲多流落問舍求田只未成

人日病

人日窓前髮未梳，茂陵多病似相如。  
春寒酒綠花枝瘦，社遠城荒燕壘踈。  
種竹新生妃子淚，烹魚不見故人書。  
青春休負江南樂，秉燭看山夜不虛。

正月十四日雪得花字

小院青樓巷，陌斜鈎簾隔水聽。  
琵琶江城夜，黑燈爲月山。  
縣春遲雪作花，火樹瑤華光竝入。  
兔園鰲市興同賒，狂歌痛飲真吾事。  
不惜黃金問酒家。

秋日過阮侯宅

秀石疎花照眼新，將軍西第午留賓。  
吟成白雪官如水，散盡黃金貌不貧。  
壺裏苔生射虎箭，髻中星老種瓜人。  
無言饌客無兼味，爨竹烹葵意自真。

余王二太史見過

燕山日日歎離居，燕草青青滿敝廬。  
楊柳橋邊妨貰酒，鳳凰樓下廢傭書。  
高軒竝過聞簷鵲，嘉客難留愧釜魚。  
欲賦上林吾豈敢，只餘多病似相如。

題顧光祿廳壁

入門脫幘共酣呼，官舍風清似玉壺。  
芍藥調羹尚方



饌蔗漿消熱大官廚馬蹄無事看山色花影多情戀  
酒壚綠鬢仙郎正年少肯同張翰便思鱸

西苑荷花

苑內香風苑外聞龍舟來去錦紛紛葉承仙掌盤中  
露花散蓬萊殿裏雲天仗爭妍齊爛熳爐烟歛馥避  
氤氳三千宮女情相似處處凝粧待聖君

下第書懷呈納言姜公

鳳城簫鼓夢中聞天上人間自此分鄉路三千銀是  
水世情一半不如雲鄴人歌後非無曲冀馬空來尚  
有羣君在漢廷司獻納肯因流落薦雄文

送盧太守罷官歸楚

日南啼鳥半含愁聞說盧敖不再遊剖竹曾行滇萬  
里迷花初罷漢諸侯故人開閣誰青眼刺史還家尚  
黑頭好去習家池上醉莫教山簡獨風流

寄黃吉甫秀才

春風日日渡江來不寄江南雪後梅三尺芙蓉俱是  
恨一篇鸚鵡豈無才楚囚吟斷寇猶在梁獄書成網  
未開茂宰不能容國士桃花空向縣門栽



奉寄外舅陸公

歲歲年年只著書可憐生計釜中魚不知燕子樓安  
在始信麒麟夢果虛陶令已無栽柳處戴公誰爲買  
山居東床女壻漂零甚莫問還鄉駟馬車

石門奉別家兄

江市南頭雨亂飛匆匆相見便相違姜肱愛弟情難  
遣劉仲謀生事豈非剽俗魚鹽多帶劍農家桑柘年  
無衣西堂夢裏勞相憶肯爲山川久不歸

錢塘夜泊

孤舟二日雨淙淙夜泊錢家舊建邗桑過石門青拂  
枕水經橋李黛含窻六橋花盡休携酒五月潮平好  
渡江此去報恩慚烈士匣中龍劍氣難降

李舍人孤山草堂坐雨

筍輿行過斷橋來樓上銀罌水上開白鳥數行猶似  
鶴青山五月已無梅雨昏不辨絲千縷湖綠渾疑酒  
一杯幾欲題詩題未得舍人元是謫仙才

太虛樓呈顧杭州

黃金不惜起高樓云是當年孫仲謀楊柳曾經過五



馬桃花無復識諸侯城中樹白千家夕湖上山寒六月秋莫道風流無繼者尊前今有顧杭州

會稽道中

江東名郡古無雙處處青山照玉缸竹箭一流明客枕芙蓉兩岸夾船窓清猿夏斷稽山廟急雨朝平孝女江此地何須欲淪落買臣頭白始爲郎

大司馬張公席上

一見偏勞到處稱憐才真有古人情風雲久已閒兵畧花木皆能識履聲家在東湖何必賜文如北斗不  
知成匣中三尺塵埋盡纔遇張華氣自生

張尚書茂嶼山房雨宿

松風謾謾水潺潺雨裏人家盡掩關堂有雲生名綠野門將花遶對青山楊亭只許候巴過陳榻長因徐穉閒此地山川渾似繡不須留客亦忘還

歸鳥二令君過訪慈感寺

遠公蓮社肯相容坐對茗溪溪上峯安邑何由知叔相如豈敢藉臨邛雲門客到期看雪天日僧歸闕種松只恐重來無處覓干旄驚散鹿麋蹤

至日謝在杭送酒錢

長至勞君送酒錢他鄉風物倍堪憐  
烏程三斗難中聖蒼弁羣峰空刺天  
佛日漸經香案上慈雲不散竹房前  
羅敷豈學臨邛女閒盡相如綠綺絃

飲閔景倩齋中兼索酒

寒雲颼颼霧濛濛此夜扁舟剡水同  
紅燭燒殘霜正下綵毫書罷月才中  
雕龍共論千秋夜數馬還推萬石風  
床上醇醪三百斛誰知帆底綠樽空

潘太學移居

淙淙溪流帶淺沙樓臺隔岸又移家  
清茗月流曲蒼弁雲連雉堞斜  
門過于公前日駟庭栽潘令  
時花不知棋局琴絲畔還有圖書共幾車

茗上還家

無端書劔滯茗川三度他鄉見月圓  
典盡非關因雪後人歸猶及在春先  
閨中拂黛臨妝鏡燈下焚香送佛錢  
西澗梅花開幾樹呼兒折取伴殘年

十八夜與潘秘書同陪陳吳與山中燕集是夜

無月



五馬重過谷口來玳筵珠履許同陪月光雖隱巖前  
鏡湖色還浮竹裡杯細雨不愁衣濕盡微雲須待簞  
吹開今宵俱是龍門客老讓潘郎作賦才

白鵲寺宋初陽畫壁

客居深谷少躋攀終日惟看壁上山道者焚香瞻碧  
落村翁拂石拜潺湲空庭不掃留雲住寒殿常開放  
鳥還獨少病維摩詰像散花人不下禪關

拜江司馬墓

百戰間關入不毛功成身已葬蓬蒿蠻烟瘴雨人先  
老羽檄戎麾事太勞馬鬣一杯開隊道龍鱗千樹應  
江濤酬知恨少延陵劍灑淚青原百尺高

拜馮開之司成祠

西風落葉滿蒼苔門外湖光面面開祠近水仙同薦  
菊塙鄰處士舊栽梅巖居十載焚魚久華表何時化  
鶴迴松下兒扶還再拜白頭今有故人來

虎跑寺和蘓長公韻

夾路風吹草木香山深寺古入門涼飲泉人覺心清  
淨說法僧傳舌廣長丘壑久成遊性癖烟霞堪作養



生方何須一匊塔前井世味年來已徧嘗

發光菴

浮嵐空翠畫氤氲谷靜人聲寂不聞處處引泉遙  
接竹重重躡石上干雲山將秋色晴偏好海與江光遠  
不分欲對老僧談半偈林間不覺又斜曛

壑公重建永明禪師塔院

宗鏡堂空久欲摧重披瓦礫剪蒿萊芙蓉起塔新成  
院貝葉翻經舊有臺深樹不容秋暑入高窓平對暮  
潮開永明舍利今猶在只恐吾師是再來

訪董然明

尚書甲第鎖蒼苔別有高齋一徑開榻對長天看鴈  
度門敲殘月許僧來漢宮紅粉元傾國燕市黃金已  
築臺總爲著書常病渴董生不讓馬卿才

答陳旃父客中見懷

秋雨秋風湖上催浪遊還未放舟回他鄉念我題詩  
至故國因君入夢來明月不將知己共青山安得好  
懷開殷勤爲語籬邊菊畱取寒香入酒杯

答大方伯朱公朱故常州太守



執手躊躇問昔年西陵斜日晉陵烟井傍王粲家安  
在郡裡陳蕃榻尚懸客路松聲三竺寺歸心木葉五  
湖船公厨豈有桑門饌虛負君侯璫瑁筵

懷鹽官大夫吳公

行過門署黯無聊落日思君萬里遙罷郡惟裴太湖  
石移官曾煮浙江潮花間舊吏人人瘦霜下甘棠樹  
樹凋獨有贈刀今尚在佩來蓮鍰未全消

謁袁文榮公祠堂

雲中烟火映荒祠遺像蕭條入拜疑馬策扣門惟有  
淚雀羅張戶不勝悲山光夜暗圍棋墅海色寒埋  
劔枝千載何人能下士斷腸空憶鄭當時

宿余仲周五柳莊因懷太史丙仲先生

丹洞青丘窈窕攀石床燈火映松關峰霞綠似仙人  
袂霜樹紅於醉客顏枕上雲浮當檻竹樓中月浸過  
湖山可憐曼倩金門裡歸夢時兼白鳥還

飲包明臣宅

西風落日過君家細雨空江集晚鴉庭下小山多桂  
樹城邊官渡是桃花採芝梅福歸何早種柳陶潛興



自嘉名似浮雲身似鶴不妨高枕臥烟霞

寄答黃公紹

憐君臥病越江干枕上題詩贈客看  
海色忽蒸秦望紫松聲遙帶禹陵寒  
千山落木驚雙鬢萬里青瑣寄一官  
首藉闌干何足歎相思惟有歡加餐

會稽道中懷管建初

狐裘久客任蒙茸千里扁舟受朔風  
枕傍寒雲殘雪後帆移落木暮濤中  
稽山路向曹江盡剡曲波將禹廟通  
綠水清猿明月夜舊游還憶與君同

與吳章叔同舟簡屠長卿長卿由穎上令移清  
浦

抱被同爲十日程蕭然行李片帆輕  
沙中遠樹俱含雨霜後寒潮不到城  
越鳥亦知游子倦穎川遙比縣官清  
因君寄語潘懷邑莫負河陽父老迎

天平道中看梅呈陸丈

新春日日雨霏霏雨後尋春願不違  
花近翠微苔作樹人行香徑雪生衣  
折從野岸俱無主開入僧家盡掩扉  
誰似丈人能好事衝風踏凍不言歸



十一夜容與園對月

芳瀨沿洄載酒過，碧天休問夜如何。  
名花競發秋風樹，美竹偏臨綠水波。  
單絃數君忘客禮，清商一部問農歌。  
誰家笛裏關山曲，吹下闌干白露多。

閩中秋夜吳幼元清玄齋對月

片石孤亭暮靄空，淡雲斜漢映房櫳。  
衣裳翠染沾花露，枕簟涼生度曲風。  
八月再圓逢月閩，一秋纔半又秋中。  
誰家紅袖誰家笛，不及清樽與子同。

溪上步月簡秦方伯胡侍御

如海侯門路不通，溪流寂寂霧濛濛。  
誰家客許花間入，何處樽能月下空。  
敲散彩雲鐘隔水，吹殘玉漏笛臨風。  
南樓酒伴東山侶，半憶廬公半謝公。

皇明七山人詩集

聖明七山人詩集

梅鼎祚字禹金宣城人本貴介公子少有雋才工

古文詞厭薄舉子業雖浮沉諸生中非其好也

與沈殿撰懋學以文名相友善而博雅過之殿

撰亟稱其才謂爲宛陵闢土來所未能一觀云

哦咏甚富聲動一時有鹿裘集行於世

寄君典大來

把酒還停一浩歌敬亭山色鬱嵯峨門閒落葉秋長  
積溪冷微風晚自波彩筆中宵知竝夢黃墟何處好



同過眼前未可無君輩不是生平別緒多

寄華廣文明伯陪都

鍾陵紫氣望中嘉不厭青瑣度歲華  
又向西曹鬪結社近從北海識通家  
試泉寒憶梁溪棹點筆春嬌上苑  
花曾爲加餐遙寄訊驪珠字字照飛霞

張幼于伯仲書至

吳江風冷暮潮生迢遞雙魚此問盟  
斗下雌雄勞望氣河東兄弟舊知名  
投珠忽掩三秋色抱璞俱懸萬古情  
近報草玄堪擬易豈緣詞賦重西京

暮秋小雨浹旬健關偃臥詠懷

楊柳蕭疎南陌頭經旬閉戶不知愁  
林深返照寒迷雨徑曲幽花晚戀秋  
眺寂化機叅夢蝶小遊天氣試鳴鳩  
白雲如水悠然臥吾自風流擅一丘

晚秋同張山人訪姚大名叙卿姚特聽徒

漢郡由來左輔尊縱令薄譴亦君恩  
酣歌且住爰絲里交態休書翟尉門  
白鷺江聲寒入郭盧龍秋色晚開樽  
只今二仲堪來往况復蓬蒿舊徑存

秋夜陳比部署中有懷故園



德郎盡省一帝城西苑柳宮槐接大堤月滿千門寒  
度鴈風迴雙闕曙鳴鷄夢中秋漏驚初永醉後鄉書  
懶更題遙指石頭雲片片茅堂只隔宛陵溪

寄汪仲嘉象先叔姪

登樓秋杪思漫漫六六芙蓉掌上看明月兩鄉愁對  
酒故人千里問加餐雌雄南斗龍光合今古澄江練  
影寒不是稽生曾任遠許誰能奉竹林驢

送崔大下廣陵謁故相李公

錦帆八月挂秋濤知落揚州第幾橋廢苑螢流蕪自  
照御隄鶯罷柳全凋愁邊白雪才人老望裏青雲相  
府遙花石平泉春爛熳風流誰似李文饒

秦寄少宗伯上海董公

引襪道重南荒戍摺笏名高北斗班忽買青山臨大  
海遙瞻紫氣出函關江南鱸美秋風起天外鴻冥日  
月閒誰識董生憂國意尙留遺策在人間

寄報天錫

楚天搖落氣悲哉雁影遙含尺素來明月隔江愁聽  
笛春風滿座憶銜杯餐霞久已徵仙骨飛雪今堪見



賦才爾輩插萸知盡興好畱黃菊待余開

答蹇汝上使君留別初以曹郎謫丞院

行吟顛顛久湘濱握手新知意轉親  
猶意馬曹容傲吏誰憐魚服作波臣  
中宵神劔頻占氣何處仙槎好  
問津送子前程須努力清時那得愛閒身

答歐楨伯都下

天北浮雲首重回登高轉憶大夫才  
斗間清夜雙龍合雪後黃河一鴈來  
燕市悲歌傳擊筑西山爽氣照  
銜杯過都空有驂騑在不信懸金爲築臺

江上病起答龍使君

春風花外賦停車一別經秋跡漸疎  
縱酒半生狂客態加餐兩字使君書  
夢中明月空梁滿病後微霜落水初  
相望只餘衣帶水可堪耿耿獨愁予

送友人入楚

落日潮生酒盡觴片帆高竝楚雲張  
狂搖綵筆題鸚鵡閑聽銅鞮解鷓鴣  
枕幃曉偷巫峽雨林楓秋染洞庭霜  
虎頭癡絕生平事盤礴看君意轉長

送李郡丞入獻萬壽



清秋雙闕聽雲敷，久向丹霄識鳳毛。  
北斗平臨僊掌，淨南山遙對御爐。  
高虹流紫氣，明華渚虎拜歡聲動。  
赭袍豈用瑤池問消息，願懷金鏡代靈桃。

秋日宿通靈峰

白日翩翩振羽翰，長虹雙挂碧闌干。  
榻依河漢繁星，曙門掩杉松宿雨寒。  
迤照倒銜吳岫出，飛流斜界楚雲殘。  
清秋瑤草如堪拾，此地吾將老鶡冠。

過永慶寺

寺近秋齋路不迷，曉鐘頻度石橋西。  
水清蓮鉢窺龍影，雨積檉林散虎蹄。  
狎鳥穿厨分佛供，閒雲留榻伴僧棲。  
亭亭翠栢強千尺，今古游人幾杖藜。

送郡太守陳公入

覲公先由戶部郎出

敬亭天半削芙蓉，謝朓樓開紫翠重。  
南國孤城曾下鳳，東方千騎總如龍。  
一麾久隔西山笏，十載還聽長樂鍾。  
見說計臣俱賜覲，知君燕對獨從容。

早春得朱渝州去秋書時方上計

清秋萬里一書還，二月垂楊漸可攀。  
北極占星來益部，西牕聽雨夢巴山。  
褰帷日下黃金詔，執玉天回紫



殿班高第已看經術起更傳春雪滿燕關

秋晚行遊郊外

一時砧杵動千村秋意相牽偶出門沙鳥狎人飛乍  
止嶺雲欺日吐還吞林光已覺依寒露草色猶堪藉  
晚尊卒歲蓬蒿吾自分但逢清世是君恩

送李廣文遷黃縣

滿座俱含立雪情一官馬首又東行海空樓閣全疑  
市秋杪雲霞半入城掌故舊推秦博士譚天元讓魯  
諸生杏壇千載風儀在屈指儒林起大名

過翠雲似同遊許八彥貞

能誰獨命山中駕憐爾同茲物外情行傍高林雙鳥  
下坐來孤閣片雲生年光暗識丹楓暮笑語偏從白  
社清曾是支公舊門客未甘丘壑易簪纓

夏日元振兄席陪吳典李山人

江村長夏綠陰遲河朔風流又一時心托渚蘼分作  
佩手栽隄柳漸成帷病來綵筆看仍健老去清尊願  
莫辭爲問白蘋洲上草何如今日謝家池

秋日朱比部諸君集莫愁湖時予東歸渡江矣



比部書來恨坐中少季子漫賦答之  
湖名南國佳人著秋色西曹長吏看遠泛仙槎星欲  
動雄飛綵筆雪生寒書傳舊侶追初賞座少同聲不  
盡歡却憶停橈江上夜夢乘明月到筵端

過仲父別墅

探幽會憶去年題只尺桃源路不迷三徑草香聯騎  
入千峰雲霽抱檐低游梁已久知魚樂看竹于今喜  
鳳棲有興閒能陪杖履玉壺清酒約重携

九月

去年九月前仙樓曾擬觀濤賦壯游黃菊又看供勝  
節白雲長日弄清秋悠然陶令貧能醉在殺虞卿老  
亦愁却憶龍山渾屬事到今人自說風流

送地師楊爾昂歸省閩中

到想家園熟荔枝卻憐分袂早春時長楊隔浦聽鶯  
曉細雨穿林度馬遲愛日籃輿花外賦停雲綵筆意  
中詩知君久解青囊術爲卜茅茨傍武夷

敬亭舟中送張大來再之留都因懷嶺南何玉

登



郭外寒江淨不流，淡雲疎雨送行舟。  
年華試問雙蓬鬢，客計惟餘一剎頭。  
緱嶺梅花思遠道，敬亭楓葉下殘秋。  
向來游俠西京地，誰共翩翩過五侯。

秋夜同秀水朱明府集李蕪湖署閣

坐見鳴琴化理成，邀賓江閣月華生。  
秋深菊色寒侵座，風起潮聲夜撼城。  
海上神仙初作吏，天涯兄弟舊知名。  
只今瓊樹相倚，早晚雙鳧入玉京。

除夕自嘲

莫惜張燈，若然雲物望邊新。  
寒鍾五夜初辭臘，曉角孤城又散春。  
倚劔風塵曾擅俠，投珠江海不逢人。  
悔將綠髮閒耽事，一笑尊前倒着巾。

於閣宴重送客游梁

尊酒重携賦遠游，北風吹雨散高樓。  
少年肝膽親雄劔，父客冰霜戀敝裘。  
地割河流疏碧漢，天開嶽色壯清秋。  
由來照乘稱梁國，縱是明珠莫易投。

送孝廉沈師會殯還越先人嘗出守是郡因貽

越父老

越水吳山雁到稀，那知此會對沾衣。  
風前千里生芻



薦雪後孤城落葉飛伏櫪暮年心尚壯及門經術事  
多違歸逢五馬行春地棠樹青青定幾圍

寄吳兵憲道南上谷吳先守兵部郎

使節飛揚塞日低胡笳吹徹陣雲迷蛇含夜冷雙龍  
嘯首啗春晴萬馬嘶漢署籌邊傳上策燕山勒石見  
新題棄繻年少元吾志一顧恩堪國士齊

和身之登北樓作

使君雙眼借山娛猶憶風流臥治蘓四牡馳驅逢日  
暇一樓危絕賴雲扶江搖萬井寒光動月滿千林夜  
醉呼我欲飛從高處賦白龍早晚到還無

答朱憲使潼關

秦中百二控重關表裏黃河太華山絕塞傳書芳草  
後清秋乘障白雲間三危露滿仙人掌十丈花明玉  
女顏此地真源應可問茅龍借得渡江還

十三夜宴沈徵甫文選署閣時令公子在座

漢京樓閣倚秋空出沐清尊畫省同六代文章推治  
約中朝啓事說山公白門柳色寒依席長樂鐘聲  
出宮日下只今鷓鴣滿也須天外着冥鴻



哭徐子與方伯先是寄詩有夢蝶之語  
合向清朝領摺紳回翔終滯一藩臣幻身早悟蒙莊  
蝶絕筆初驚魯國麟九疊雲低扶旅櫬五湖春老屬  
何人因君脫劔愁無地一掬寒漿灑白蘋

子及思善二方郎先謫出京余詩懷之

漢宮題柱競光輝名姓翻令謫籍歸一別秦淮吟社  
冷到來燕市酒人非千門落月歌鐘起萬壑清霜木  
葉飛秋色江南看漸老欲題書禮雁鴻稀

李符卿書至

不厭昭亭是李侯逢人雙札問前游翰心泉石終投  
老屈指參辰動隔秋霜盡斷鴻遙繫夢月明驚鵲良  
關愁風烟極目天南北歲晚空江獨倚樓

承吳北部伯與人日書將使入關

流澌南下大江千萬里雙魚到不難燕谷王春初應  
律幽州人日尙餘寒親承漢節西曹出遙指秦城北  
斗看玉井蓮花君杖底定將名字刻琅玕

秋日得唐外舅西粵書因感蕪江之別

憲府春來歸興濃秋風萬里滯行蹤書傳白雁霜何



早歲度蒼梧障幾重嶺越地通勞漢使西南天盡覓  
堯封所思湘水深難往夢斷蕪江郭外鍾

寄周順慶國雍

一從千騎上頭居相望東西萬里餘巴子城高應下  
鳳嘉陵江遠不通魚醺人麴米春堪憶對客梅花凍  
欲舒自昔知君能薦士蜀中辭賦有相如

贈陳令君

自有玄心契紫霞豈須勾漏覓丹砂陶潛不種當門  
柳潘岳新栽菊縣花天自北辰尊帝座星回南斗

動仙槎敬亭雲氣雙谿月飛夢從君繞翠華

田居寄吳翁晉

三江東下送行舟聯壁常懷帝里遊綠笋千林天目  
雨丹楓八月敬亭秋遠書更喜題無恙舊曲曾邀聽  
莫愁別後滿多田舍計元龍豪氣倦登樓

寄武林沈使君貳吳郡

嶺表曾看走傳車東來猶自阻雙魚浮家一水臨鄉  
郡報闕三年有薦書客路楓殘吳苑後官厨橋老洞  
庭初相傳百六真文在擬入靈墟叩隱君



得汪原啟金陵書憶客吳舊事

春風幾報柳顰舒何地逢人問卜居湖上扁舟吳苑  
酒渡頭雙檝秣陵書吹簫曾下仙臺鳳彈鈇多慙客  
舍魚猶憶漁陽搥鼓典長髯未老鬢微疎

送陳克嘉憲使赴滇

蒼梧飛傳更乘滇環佩逶迤近十年三疏高名懸北  
極百蠻開境盡南天白狼風播夷歌日金馬霜清漢  
峙烟聞道昆明初息戰秋深簫鼓汎樓船

吳使君招登疊嶂樓

賓主東南屬勝遊敬亭雲鳥坐巖松四圍空翠交松  
雨一望新黃報麥秋心遠訟庭丘壑在興閒詩草吏  
人收觀風自昔延陵事試聽洋洋萬戶謳

金陵九日子綦兄錫余誕生弟集城南有懷家

園

何處登高不盡歡滿城車馬動長干寒遲久客衣初  
授歲閏重陽菊已殘濁酒弟兄今日醉他山烟月隔  
年看扁舟蝦菜歸胡晚爲報秋風拂釣竿

北邙秋夜懷流波君戲簡凌金吾伯升



北來吾自憶南游官渡垂楊十二樓笳管吹殘青海  
月烟霜望老白門秋流波宛轉能通夢薄黛依稀漸  
寄愁共是春風腸斷處桃花兒馬木蘭舟

金陵寄周國雍參伯

側身西望蜀天遙井絡何曾隔斗杓五月渡瀘銷積  
瘴十年懷粵夢歸潮江南新草烟如織徼外殘梅雪  
滿條萬里題書仍在客烏衣舊巷白門橋

虎丘致爽閣矚望

重重巖壑坐相邀閣道行空覺路遙古塔靈光寒嶺  
夜中峯爽氣霽臨朝林廻浮國常留雨泉溯滄溟崩  
應潮漸起笙歌殘照裏綠波吹蕩盡關橈

錫山別阿佛後再別送者

美人含怨已今朝况復辭君轉寂寥寶瑟離聲秋不  
散瑤華古色照空遙孤峯帶郭常浮水一雨兼風懸  
挾潮漸去吳閩行樂地才情半減酒魂消

答孝豐吳翁升見寄約遊天目

新詩歷歷問前遊寶闕香臺望轉幽碧漢星榆堪紀  
歲白門風柳又驚秋孤雲半榻畱同臥明月遙由照



獨愁我憶祖花開幾葉年來諸有向空求

錢簡棲見訪要登天柱閣得湯義仍前秋書及

詩有一枝梅在敬亭心之句

玉茗金英幾度開敬亭猶寄一枝梅  
羈棲遠道書遲達夢想平生客乍來  
河朔呼尊逃暑會湘靈鼓瑟異  
時才山青雲白波如鏡試上凌風百尺臺

秋日史府君招登疊嶂樓

尊開北望火西流平楚蒼然爽氣浮  
共道政成多暇日由來眺遠最宜秋  
年豐歌吹宵填市雲霽風光晚  
上樓漸覺醉深催進酒憑闌猶自理筵

還蒲上將移入山簡諸宗

何事經年始一歸竹林茅屋尚依依  
貧思善後鄉居好老悟從前市隱非  
臘雪凍除荒徑草春風吹長故  
山薇歲時簫鼓東村社耆舊追從願不違

皇明七山人詩集

皇明七山人詩集

王寅字仲房歙縣人爲邑諸生劉直指存德觀風  
命題賦詩得寅詩大奇之黃督學洪毗試七郡  
諸生寅獨舉首兩公欲薦寅於朝會遷去不果  
寅遂棄博士籍放浪自適所至縉紳大夫慕其  
詩名爭禮致之與汪司馬道昆善爲之傳有十  
嶽山人集行於世

武林逢友

虎額虬髯烈士身敝裘羸馬走風塵平生結客黃金



盡此日傷時白髮新  
歌舞乍醒梁苑酒  
湖山重醉武陵春  
佩刀暫惜霜花暗  
匣裏哀鳴尚有神

送王邦儀携家之蜀

蜀道西游萬里長  
雲中高峽錦屏張  
携家無夢勞神女  
投賦多情吊楚湘  
杜甫欲成浣花宅  
王維終戀朝川庄  
風塵知己誰堪託  
槐陌蘭柴自故鄉

永嘉夏日借居玉皇樓

樓輝金碧八風翔  
寶蓋龍旗奉玉皇  
逃暑暫爲香案吏  
養生閒錄道經方  
未通海上丹臺籍  
先借空中白

石牀吾祖一從緜  
嶺去仙枝不斷發  
禎祥

天台陳先生木重掌教

先生落鳧勝馮唐  
頭白于今尚未郎  
羸馬重來瓊欲敞  
講堂一別草全荒  
著書山水宜名郡  
游宦鶯花近故鄉  
相國徒聞知已在  
不將有道異尋常

雲間懷寄南泠蔣叅政

名園十畝買幽居  
詩酒招邀日未虛  
雪訪自違三逕後  
風流遙憶隔年餘  
秋來海上仍羈旅  
人去淮南好寄書  
爲報躬耕還谷口  
塵埃無地曳長裾



訪方元中戶部不遇

省郎第宅城南曲爲愛幽鄰古寺西  
身在市朝成吏隱時因休沐借禪棲  
還從何處看山色每是忘歸信  
馬蹄明日重來知候客六朝遺跡問新題

金陵訪余伯祥

我本高陽舊酒徒貂裘騶馬走長途  
結交盡散黃金篋生死難忘白玉壺  
漸老逃禪情半減有時說劍氣猶麤  
頻來過訪頻留客強賭臬盧醉一呼

結社白嶽雪中送惠光上人先還福田寺

同來結社仙臺罷雪裏禪關繫所思  
百里愁看師獨返千山飛絕鳥相隨  
天花光徹袈裟冷柳絮泥深錫杖遲  
風爽笑將支遁減一鞭無馬載低垂

王將軍經携酒邀登定山

將軍好客携尊酒竝馬深穿翠霭間  
山自渡蘆通窈窕泉因卓錫尚潺湲  
鳥喚車馬雙辭樹僧苦逢迎一  
啓關景物供人多應接笑余亦未借高閒

金陵道上寄馮汝言僉使閩中

五見江南春草齊又聞旌節向關西  
相思每託琴



寫便訊今逢馬上題  
朋輩青雲多要路  
迂踈自髮將  
早栖金陵往日歡  
游地早晚壺觴得再携

### 吳山秋眺

有客閒居無奈閒  
爲看秋色一躋攀  
百盤細草斜陽  
路三曲澄江隔岸山  
野寺最宜紅葉後  
孤鐘偏在亂  
雲間  
賞心又得逢僧話  
此後幽期數往還

### 送姪堯賢從軍南海

路過五嶺更南天  
花鳥殊方氣候偏  
壯士此行自實  
劔將軍終歲出樓船  
登臺望海生潮處  
吹笛懷鄉  
日邊莫近買愁村  
上去石榴醉酒亦悽然

### 贈吳千戶撫諭虔南諸洞歸武林幕府

虔南諸洞諭蠻歸  
草木皆知少保威  
章貢水聲迎去  
馬博羅山色照征衣  
當關能仗孤軍入  
納款無勞一  
箭飛  
幕府少年多自負  
讓君此日拜恩輝

### 董子元避亂吳興書來賦答

干戈遠迅徒懷爾  
搖落秋風忽寄余  
去國任荒三徑  
菊移家隨載五車  
書平原宅畔愁聞  
雀西塞山前好  
釣魚此地故交知  
不薄莫辭流寓定  
幽居



武林喜逢吳宗高

相逢市上把貂裘，衆裏綢繆話不休。  
神駿君思辭伏櫪，饑鷹我忍待乘韝。  
十年離亂書難寄，四海交游鬢各秋。  
昔醉青樓金粉歇，琵琶猶記唱梁州。

夜飲王元靜客舍

隔年相見鬢霜侵，風雨尊罍感慨深。  
醉後青衫生酒氣，歌殘白石動哀音。  
數奇難覓酬恩地，世亂徒懸許國心。  
直北幽燕迷一望，高臺誰復築黃金。

重過登源洞懷郡守東臺余公

太守風流憶往時，公餘行郡命追隨。  
載將綠酒千峰入，分與朱衣五馬騎。  
白璧徒懷終不售，青雲無路負相期。  
傷心西望龍城遠，挂劍常圖哭所知。

登采石蛾眉亭

帆落東風爲舊蹤，蘇門嘯響倚杉松。  
長江鏡面秋塵淨，雙峽蛾眉晚畫濃。  
繡壁蘚花無鳥啄，巡簷蘿葉有雲封。  
移舟繫在禪宮下來聽，西遊一夜鐘。

張園桃花初開

一樹張園開仲春，當軒二八可憐人。  
遲爭杏子粧丹



十山人詩集 卷之六  
五  
頰初學櫻珠吐絳唇蝶粉難窺心上恨蜂黃待染額  
聞鬢吹噓不願東風力怕逐青驄繡轂塵

金陵送無絃上人印藏經還成都兼寄毛太史

青城

朱雀橋頭對黠然石牛寺在錦江邊南來苦乞千函  
佛西去遙看萬里船水峽啼猿殘臘日松窻挂錫仲  
春天蛾嶂居士參真性定上吾師說法筵

過元放池上

門外疏簾靜日垂園中三逕草離離久傳市隱談玄  
宅近接仙人洗脚池栽竹開庭今漸長買山終老  
將移環垣此後誰空鎖常憶頻來照影時

得黎惟敬司馬歐陽楨伯郡博燕京寄書

薄命無能合 聖朝青袍短髮入秋凋懶招緇素開  
蓮社喜混漁樵醉酒瓢南海雙珠傳譽久中原一雁  
寄書遙何時把臂神交者國士悲歌氣未消

寄沈湖葉僉使

淮南別後寄書稀滇上驚傳解綬歸梅福嶺前求地  
隱洪崖洞口采芝肥吏情宜逐年華倦物態須知世



路非丹訣九還今可試願終白髮遂初衣

過元蠡舊宅

西市高樓映暮霞今來舊主怪移家臺存不繫門前  
馬院鎖空啼雪後鴉上座每同談七首清宵常醉聽  
琵琶五侯甲第繁華甚代謝如斯不用嗟

寄馬通政孤山社有懷張侍御高光州

南都有客四明狂結社容登大雅堂嚴瀨西來書又  
斷孤山東去夢難忘扁舟買宦同誰載舊徑栽梅幾  
日芳常侍校書今已矣招魂欲賦重心傷

薊門馬上望長城

秋色傷傷客子顏雕弧在臂月雙彎逢人設問雲中  
路按轡斜看口外山驕虜邇來消羽檄壯游無奈夢  
鄉關霜前肯後隨陽雁相約江淮伴爾還

燕市送吳子化之三屯營

虬髯邂逅揖秋風匣劍囊弓馬首東燕市墟頭畱醉  
酒盧龍塞上學從戎乘時君許封侯易失路余徒草  
賦工都護散金多養士向誰知是萬夫雄

燕京劉念菴席上畱別社中諸友



壯遊入塞卽言歸南客遙隨北雁飛  
裘馬正酣燕酒風塵不上楚狂衣  
難依時貴輕彈鋏久託名山遊  
采薇別後社中休寂寞新詩肯使寄人稀

夕陽紅樹

村南秋樹亂啼鴉一望殘陽掩映斜  
蜀女機頭新剪錦天台洞口舊飛霞  
怪無清磬藏僧寺喜有高帘傍酒家  
草際落紅君莫掃醉來絕勝臥桃花

席上對友人有懷胡少保

別來督府十年過一笑驚逢愧鬢髭  
海上戰功題尺牘越中廟食感恩多  
謗明蕙苒誓何在客散門庭雀可羅  
舊好論心呼濁酒寒飊霜日醉悲歌

送江師晦游吳門兼問岳東伯

早春送客黯消魂村市酣歌濁酒尊  
雪後有梅畱越嶠社來與燕約吳門  
遠游君漸聲名起相見余多故舊存  
一一尺書那暇草窮居爲問岳王孫

懷寄五嶽陳副使蜀中

淮陰畱別三經歲鄣嶺題書一寄君  
入峽恐淹神女路因風便逐洞庭雲  
南來無奈人垂老西望何能瀕



共醺卜市琴臺遺跡在，吊亡知有二賢文。

寄汪仲淹北歸臥病

珊瑚遠寄赤螳螂，抱病驚聞返故鄉。  
一別縱酣燕市酒，千金難授越人方。  
園林今遂娛親樂，裘馬都忘結客場。  
摩詰禪談輕藥物，期君來訪輞川庄。

寄丁從吾邳州

弱冠明經誤作儒，誰知披褐袖陰符。  
信能籌世無雙士，且自登壇長百夫。  
青海曾傳功在越，黃雲還欲氣吞胡。  
託交歲晚常多別，說劍何時醉玉壺。

寄沈蛟門朱金庭二大史

風塵九陌日紛紛，性本疎狂不可群。  
下馬一酣燕市酒，携書早返越山雲。  
別來無夢瞻雙闕，結客難忘有二君。  
漁獵避人身漸隱，音書稀得寄相聞。

武林送潘象安北遊

余卽挂帆指閩海，君還策騎向燕畿。  
雌雄龍劍難當合，南北冥鴻各自飛。  
世路久知誰薦士，風塵何事未忘機。  
貧交斗酒無能餞，早共青山賦采薇。

赴獵人北山之招汪司馬舟繫潭上空返



潭上烟波久寂寥，偶因年少北山招。爲漁似覺機全息，好獵難忘氣尚驕。霜野割鮮耽醉酒，夕陽搥鼓負停橈。有懷司馬猶堪恨，不待寒空月夜簫。

春夜定光寺對月喜雪

石鼎僧烹雁宕茶，敝裘寒重借袈裟。鳴鐘正對初弦月，說法還驚亂雨花。白玉京藏仙客榻，黃金地變梵王家。肯隨塵世春宵夢，却洗恒河不盡沙。

城東逢吳虎臣

隔歲秦淮繫所思，聞君酒戒病因持。城東猶見當塗飲道上，如前荷鍤隨黑髮全忘。霜信早，青錢已別醉鄉遲。獨醒結伴王潭叟，休逐酣歌市上兒。

南原寄珂上人講經肇林

久慚白髮塵當避，近喜青山借作家。交謝獨容巢上雀，渴消賴藝谷中茶。談經早罷千人座，訪隱來尋九曲霞。春采蕨薇堪作供，松門竹逕候袈裟。

元日潼關副使朱明虹使至

故里盍稀金紫貴，結交意氣不如君。先春遠命秦關使，垂老徒瞻華嶽雲。違俗偏憐狂士合，窮愁還慰俸



錢分卽呼里社諸年少盡散壚頭日一醺

寄副使劉念庵燕都

已甘懶漫時人棄擬易無心草太玄濁酒自醒燕市  
後尺書未見鹿門傳消愁常憶鷓絃調入夢難忘樂  
府篇舊日蛾眉知己老黃金重費教嬋娟

上巳獨酌有懷唐啓潛

歡君往臘曾余約今已三春大半過上巳積陰啼鳥  
斷茂林寒雨落花多欲臨曲水承家世安得羣賢集  
永和綠酒敢虛酬令節蘭亭東望一酣歌

過冶城宮有懷王沈二鍊師

九曲朱廊隔世氛冶城每過每思君棋枰猶託青松  
石井竈常生白晝雲海上定騎雙鶴去人間早寄一  
書聞問知弟子遺瑤匣試啓元符太上文

歲除前三日喜得孫尚林端峯寄書

潭園垂老謝高車驚誦瑤篇寄歲除燕市難忘酣斗  
酒海門尚爲附雙魚平生一任青雲薄意氣無令白  
眼踈西約大鄣權已近可能一過草玄廬

醉賦寄酒伴唐功伯潘隱玄程士元



老尚麤豪無奈貧，典將書劍學謀身。當墟何用王孫  
女，草賦茸隨滌器人。貴許信陵來執轡，屠尋朱亥去  
爲鄰。讓逢狗監相如幸，游獵徒工笑不辰。

板橋留別楊氏兄弟

君家谷口開，何代萬壘山。連白嶽西雞犬相聞同，入  
隱桑麻一望各分栖。百盤澗水雲常護，十里松陰路  
欲迷。臨別仙棹聞有塲，難忘携酒再攀躋。

答雅堂汪戶部寄遂園詩

高軒尚寄城中迹，別業真同郭外幽。拙宦遂辭金馬  
早，購書盡散俸錢留。雙扉忽報來新詠，三徑難忘憶  
舊游。鄭許雲封丹竈近，願君還起望仙樓。

答濮廣文寄詩兼簡倪廣文

宛溪誰意神交久，輞水今勞折簡頻。懶漫閉關辭俗  
世，疎狂垂老得交親。壺觴忍負登高節，藥餌愁當抱  
病身。吟咏知君非寂寞，時時酬和有東鄰。

七山人詩集卷之六終

七山人詩集卷之六

皇明七山人詩集卷之七

汪時和字介如遂安人少穎悟善屬文補邑博士

弟子員有司與鄉先達皆以大器期之屢戰棘

闈幾售弗售遂棄去甘隱逸以詩文自娛尤好

苦吟年踰八袞推敲不輟躬教諸子並登仕籍

兩廡

封詰稽首受命不襲冠袍賦詩以見志士論高

之所著有倚劍郵燕等集陳仲醇為之序

春筵遇雪分咏得香字



花飛六出應三陽澹蕩隨風入酒觴漱玉獨看凝太  
素飄梅兼得引天香柱題漢苑名俱盛歌過梁雲興  
轉狂寒谷春回人挾纊願將上瑞答明王

寄題白岳

步入天門路不迷仙凡了隔境全非丹爐寥廓和雲  
住白練晴空帶雨飛林下秋高霜鶴唳洞中春暖藥  
苗肥飄飄羽化身疑蛇未羨嚴灘有釣磯

飛驚樓觀五雲俱絳節雙朝色相殊石作虹橋通帝  
時山圍羅幔護仙居神遊闌苑千秋寄酒寫麻姑片  
月孤貪戀重重歸去晚玄猿猶向洞門呼

借思隆毛文學及諸子覽勝鄰封暮歸

鬱鬱芬芬別一區玉函久秘暗明珠卜居白鶴飛先  
到對酒青山興不孤大壑陰風生野燒長川落日下  
平蕪披菜踰險遷岐日那意西周啓令口

夢遊爛柯山

仙翁樵子兩忘機對奕匆匆觀孰是非一局了時乘鶴  
去半柯爛矣御風歸松濤夜夜山相應芝草年年春  
自肥兇欲步虛凌太顛白雲縹渺與心違



與兒年岳木送遷會試北上

出門便隔太行雲，那更連枝陌上分。  
天外賓鴻嘗接影，斗間孤劍乍離羣。  
黃金臺畔延春色，白玉堂中未  
夕曛。試向江流操一曲，湘靈端的助雄文。

久雨晚霽憶遷正試南宮

一春霧雨晝氤氳，稍喜疎簾捲夕曛。  
折屐鄰鄰苔徑沒，平蕪漠漠水田分。  
當階兀坐馴雙鵲，直北遙瞻見五雲。  
聞道長安初較獵，馬卿得售上林文。

四月八日山僧獻齋供

韶光轉眼落花前，浩劫無邊屬大千。  
村墅幾人閑四月，梵宮多客禮諸天。  
曇雲佛日晴相映，麥飯芹羹晚共傳。  
从欲逃禪方外去，不知林下有餘仙。

賦得秋夢

鴻鴈天邊人倚闌，轆轤聲裏漏初殘。  
淒風蕙帳傳雲信，孤月銀床對露盤。  
曉唱天雞聞日觀，夜隨鞍馬度長安。  
襄王最解浮生樂，一枕瀟湘事渺漫。

秋日余家伯仲邀飲龍門山房時諸子叔仲季

咸集獨年不與却憶



避喧幽逕白雲閒  
覽勝携尊客共攀  
俯矚四郊凌鴈塔  
渾如九日在龍山  
席間半襍詩文飲  
醉後偏乘風雨還  
逸興元方知不淺  
孤棹何處水潺湲

七旬示諸子

庭下稱觴拜舞同  
漫言諸福壽兼隆  
若無著作千秋業  
何限漁樵七十翁  
玩世已知蕉鹿幻  
食經猶讓蠹魚工  
整齊未了綱常擔  
人自西京望鎬豐

過邑城感舊

市塵削蹟歲蹉跎  
比遶郭穿羅一騎  
過百畝舊栽桃盡  
浮十圍今見柳應  
多酒壚不與人同  
詩社空存鳥自歌  
信宿書齋仍遊旅  
山中叢桂夜如何

游歸

灑海茫茫不可求  
乾坤今古一虛舟  
春藍舉從閒適老  
去名山只臥遊  
三徑菊松延徑蓋  
雙星河漢傍登樓  
長安信美非吾土  
夜月新豐喚酒籌

擬咏天仙宮白松  
在軒轅氏女塚相傳  
爲精神所化

托根帝時歷冰霜  
不染塵氛淺淡粧  
百尺似懸銀漢



影三花遙妬。藍珠光脂凝。湛露垂仙掌。月滿龍鱗映。  
玉堂幻化無情。偏有色清標。留取古今揚。

元日值雪。余二人借諸子諸孫聚飲。一觴居。

桃符門外飛瓊屑。栢葉尊中感歲華。舉案百年雙鶴  
鬢。尋河萬里一星槎。追歡梁苑催歌板。流覽潘園載  
酒車。醉眼森森看玉樹。春風蚤擬發天葩。

寄三衢余少河逸叟

袍絃隨處識音稀。偶洽琳期意不違。藍輦時乘花下  
去。接離倒着月中歸。稽山賈老今猶在。竹徑松生是  
與非。憶共通仙門眺望。石枰猶傍綵雲飛。

春雨小恙遣懷二首

江深草閣水潺潺。隱几羲黃入夢間。千古雲霄虛素  
問。一春風雨負青山。若疑仙掌過分露。實聽鈴聲暗  
損顏。已命招携陶謝侶。晴明選勝共躋攀。

半榻淒清任陸沉。茗烟深鎖晝陰陰。關門誰識真人  
氣。老驥能知烈士心。大敵欲降憂伏枕。東風不便  
聞。礎詞臣幸際清平世。不奏饒歌賦上林。

直指旌閭且檄錫鞶服。復征徭惟受命不行事。



賦以見志

斥鷃鴟鵂共率真，清泉白石遠紅塵。  
采風誤入冰霜鑑，播律旋生黍谷春。  
縹皂多情惟恋我，芟荷裸佩自便身。  
願弘托乘推髦俊，傳穴磻溪知幾人。

武林懷古

形勝東南百二秦，典吳伯越總成塵。  
風傳伍相祠前漏，花發錢塘夢裏春。  
海上空譚驅石事，江干常憶歇潮人。  
白頭偏怪如銀浪，不洗先朝汚血新。

咏湖心亭

萬頃波浮一葉蓮，凌虛老子意悠然。  
近遙動星河向水，連鷗鷺弗驚查畔月。  
魚龍忽破鏡中天，嚴灘自有羊裘侶。  
不上游船上釣船。

春讌藜筆臺折梅行酒追念二十年前曾下帷

於此有懷故御史

凌雲彩筆氣翩翩，絳帳橫經自昔年。  
傲骨謬稱天下士，衰顏遜入飲中仙。  
花廳尚憶過閒隊，壘燕從教汚太玄。  
欲寄隴梅何可到，斯人遙隔玉樓邊。

再宴藜筆臺同步至余侍御墓所

千鍾時有識音稀，載酒携桀繞翠微。  
酒隔夜臺思釀叟，果逢流水憶金徽。  
諦瞻古栢烏何去，漸長青松鶴未歸。  
勿謂廣陵成絕調，嶺頭一咲白雲飛。

夏日赴宴晚歸

尊開河朔罄交歡，折簡憑過舊講壇。  
青玉吟成仙吏案，紫金歸擁醉翁鞍。  
日啣西嶺枌榆紫，雨過深松葛芋寒。  
人事盡從時序改，白髮一彈冠。

流嘉橋謾興

濟川才愧古人難，小向波濤作苟安。  
浮動虹梁千頃碧，依微鵲架半空寒。  
留題任客知多少，化石仙翁事渺漫。  
敢繼洛陽誇勝槩，東南風景盡凭闌。

初夏驢起憶諸子因自感

年徂閱有百年人，春去何能又復春。  
海內羣公勞物色，天涯諸子隔風塵。  
倦游燕粵歸來夢，老病龍蛇蟄後身。  
不必桃源堪避世，鷓鴣冠偏與俗情親。

讀昭明文選

幽致翩躚子墨林，千秋意想爲沉吟。  
一風饒舌雄雌辨，兩賦興懷恨別深。  
曹魏雲龍騰鄴下，謝家金壁照



山陰傷哉共盡空文藻詞客偏含萬古心

戊午邊警鄉試愆期中秋對月聞笛有懷年岳

二子

賦成爭識謝莊才世亂偏增庾信哀萬里清光誰對  
酒一聲長笛此登臺桂涵香影尊中似花落寒枝何  
處梅悵自飛瓊歸去後還聞仙樂自天來

至龍翔寺感懷

少年書劍傍瑜迎垂老重遊感物華昔與師留臨別  
偈今來僧供飯隨茶冷帶雨聞清梵詩句蒙塵網  
碧紗行過虎溪閒眺望月明雙樹欲辭家

己未元日雨同諸子在池亭憶遷京邸

古今流轉一星槎身世浮沉未有涯短髮乾坤增歲  
月故人風雨隔年華春生謝氏池邊草夢遶江卿筆  
底花依斗凭闌遙北望五雲繚繞帝王家

花朝

春風小圃長靈芽乍雨初晴總可嘉無客自斟新釀  
酒有誰同看未開花綠楊巧弄笙簧舌紫陌香迷錦  
繡車沼蒞砌蘭吾意適人爭桃李滿門誇



彩蝶紛紛自往還若爲春色不相關揮毫欲洒花間  
露帶酒微熏鏡裡顏萬里懷人雙白鬢百年知己一  
青山孺枝豈逐韶光盡每歲茲晨好共攀

憶遷春闈下第

春草萋萋春水浮垂楊歸馬倦長途幾人白雪能賡  
和一咲黃金問有無振翮九霄風力軟倚門雙眼月  
明孤舌存尚擬傾當世未數終生蚤棄襦

自遣

四壁蕭蕭一逕迂青山坐對只如愚  
鬪苓采藥非事淪酒烹鮮與客俱隴  
遂何來腔自好唾壺欲飲時猶呼海鷗塞馬渾忘却那意庭中集戟烏

齋居

齋居正值暮春中忽憶游人嘆轉蓬  
夢繞兩三千里道花開二十四番風  
顏陽難並乾坤老刻楮何論造化功  
試揭簾櫳聊寓目青山長對白頭翁

落花

殘紅逝水底須論家住天台又一村  
勸酒不忘賞好墮樓猶恋盼時恩  
風飄流韻香浮几月影踈枝



在門春去春來還有日惜花何似護花根

白燕

聽得呢喃似舊時忽驚縞素弄輝輝中天露下梨花  
冷二月春深雪片飛梁上儘教管玉壘堂前無復認  
烏衣莫將紅線閒羈足來歲知他歸未歸

初夏

墻角新蕉雉尾開紛紛紅雨點蒼苔幽懷已逐春歸  
去佳句時從天墮來日午薰風鳴寶瑟夜深涼月浸  
瑤臺却思戎馬衝炎塞一曲關山怨落梅

邑城感舊

毘門蹙爾輟躬畊老去龐公復入城輦路風花如有  
符旗亭烟柳不勝情波搖武水憐同調酒對獅山結  
脫盟寄語五陵遊俠子幾人白髮鬢邊生

沼中磊石爲山紀成

浚沼爲園欲遠囂迴瀾疊石靜風濤蛟虬窟底扶鰲  
極巖岫空中架鶻巢落月秋懸三島近行雲朝捲九  
疑高朗吟倘挾飛仙到鶴翥翩躚引鳳毛

夢醒嘆

老夢猶懸少壯時錦袍如掇若爲遲三朝鍛翮終身  
棄五夜雄心一劍知落魄自甘東海蹈衰年可免北  
山疑獨醒林下從箕踞白眼看人醉後卮

再和白燕

天然素質絕塵埋曾挾冰霜夢入懷夕巷四風飄柳  
絮空梁弄影上瑤階一鈎織月臨仙掌千古香魂化  
玉釵莫謂趙姬多嫉妬和鳴猶喜韻喈喈

嚴城覽古

縹緲層城帶水雲山川民物蕩餘芬澤宇垂鈞星爲  
客江上逢人桐是君七里影懸潮有信兩高天盡月  
平分寒更不斷舟來往咿啞聲隨鍾磬聞

秋興

時庚申九月

瑟瑟西風捲釣綸乾坤踈放一閒人秋來漸覺容光  
減老去偏驚物候新鴻鴈天邊休問訊龍蛇江上欲  
存身梁園多少詞林客只恐歸時雪滿巾

門長蓬蒿晝不關空濛殺氣滿燕山黃沙萬里兼天  
蔽紫禁千重鎮日間大將何人驅虎賁近臣無地識  
龍顏非緣漆室嗟艱緯總爲蒼生鬢髮斑



塞上霜烟徃羽林宮中玉樹亦尋侵一封御恤傳三  
殿四海聞風過八音突騎不聞天子詔齋居常繫聖  
人心間閭已沐周南化佇聽鏡歌抵萬金  
膏血沙場不忍聽長城壞後失藩屏漁陽烽急誰飛  
將浙水秋高有使星攬轡豺狼清遠道掄才瑚璉貢  
明廷何當專閫紆籌畫坐見燕然再勒銘  
賦就招魂媿楚才商飈四起益悲哉遙瞻一去千年  
鶴謾起歸來百尺臺漠漠雲山空抱恨蕭蕭風木有  
餘哀非因霜露關心切時願紅輪照草萊

天時未與世情宜壯士傷時空自悲玉露只應仙  
溢金風偏使鬢毛衰暮年生事催刀尺終日幽懷對  
菊籬易散浮雲秋更淡好來明月照盈卮  
時過中秋風露滋歲當遲暮鬢成絲隙光騁驥嗟何  
及簷月窺人坐莫辭百折未忘溝壑志一寒尚繫綈  
袍思空山伐木懷良友忽聽蟬聲不自持  
誰似徐公百不憂世情都付掌中甌芙蓉弗厭秋江  
冷叢桂今逢小洞幽夜靜魚龍眈寂寞霜空鷗鷺看  
摩挲孤踪飄泊無拘繼萬頃烟波一葉舟



白鴈

尺素曾經達帝闈，縞衣玉兔映黃昏。飛來月夜渾無影，步向霜天獨有痕。邊信帶歸風，落絮錦絃奏罷雪。盈村豈因餘粒沾，君惠矯翼冥冥萬古存。

茉莉花

素質清標不讓梅，薄施粉黛映瑤臺。三春有絮隨風起，六出非時傍砌開。坐見仙翁乘鶴下，醉疑神女弄珠來。幽香只許詩人解，戲蝶遊蜂莫浪猜。

後秋興四首

梧桐雨滴濕蒼苔，長首霜秋肥汗馬。場漢將持旄屯渭

上天驕鳴鏑入漁陽，浮湘意氣年來淡。出塞功名老

後狂不道鬢毛今，白盡夢中猶自和。饒章時有虜警

高樓獨上氣蕭森，平楚淒然感積陰。曉角聲隨砧杵

共寒衣，愁絕塞垣深。千家禾黍征夫餉，萬里關山少

婦心。肉食滿朝恬自若，草茆何事廢沉吟。

依斗遙瞻紫極傍，罡風一夕黯昭陽。鼎湖弓墜霜天

淚，霍禁龍飛海日光。三殿烟雲浮蔽几，千官禮樂際

虞唐。樗材合弃春陽外，亦荷生成歲月長。時聞



神廟之部

遙詔東山念逐臣中原物色老風塵窮鱗已識江湖  
浩氣莫疑葑屋思難及自有寒花開早春有詔起廢  
重陽後鄰父携尊每酌  
九日頻年風雨催老當晴旭倦登臺菊花冷落燈前  
賦野老慙懃節後杯舊侶慣酣村釀熟新朝喜見詔  
書來碧天明月秋無限知有柔尊幾處開  
始蘇懷古

兩國興亡歲不同扁舟人去霸圖空春歸茂苑  
後兵入吳門抉目中娃館屨淒三逕月寒山鍾送五  
更風可憐麋鹿遊行地猶憶西施步出宮

揚州隋離宮

楊帝行宮寄海州若華天丁等蟬蛸螭頭交鎖  
閣龍尾相啣月下舟萬斛螢光風雨夕千尋銀鏡  
蘆秋廣陵似諳前朝譜日夜濤聲不斷流

七夕微雨有懷

佳期天上年年事邊塞春閨夜夜心倒影銀橋雲外

七山人詩集 卷之七  
沒隔河秋水望中  
細雨連昕夕片月雙星自  
古今何事女  
圍翠繞且森森

金陵懷古

想像雄圖初造初鬱盤千古帝王都石城鼎峙三分  
外江國潮生六代餘鐘送景陽春草夕月明烏巷夜  
堂虛勿云王氣東南盡今日車書昔不如

余參軍邀賞牡丹席上感慨談遼事

潦倒翻嗟少壯強相逢意氣說干將尊當暮景春如  
許寇在逃荒醉不妨那得中山千日酒可堪金谷百

化王對花間酒休辭勸會記臨邛典驪驢

鄴城懷古

當年魏武逞雄才虎視中原亦壯哉百計徒勞窺漢  
鼎二喬那得鎖銅臺翩翩瓦雀飛蝴蝶蕩蕩金鳧化  
劫灰欲表征西何處是漳河千古有餘哀

擬賦黃鶴樓

急凌高閣倚天開與客登臨憶楚才大王風自蘭臺  
起神女珠携漢水來樓空不覺濤聲壯仙去猶疑鶴  
影回欲向洲前賦鸚鵡萋萋芳草使人哀



秋瘡

宮衛森嚴精氣饒邪魔乘間入中標試將寒燠探時  
態難禁昏朝似海潮方外黃金千古幻枕邊白髮九  
秋獨乾坤寥廓今猶昔無限狂心老漸消

嘆老

吟口人生得幾開白頭無約若爲來常令霧影屯  
睫不斷蟬聲聞耳顫一榻尚懸周孔夢千秋空負馬  
班才蓬萊方丈知何處獨見嚴陵兩釣臺

二月九日憶年選同試春開

色雙龍紫氣夜干霄老臣下士今周且幼主當陽古  
帝堯報國丹衷經世學敷陳端不負清朝

爲念

未央日色映緋桃春滿皇都起譽髦臺迥鳳凰三  
曉榜開龍虎五雲高文成論蜀翻江錦書去驚蠻靜  
滄海莫道詞人慳武畧宮袍凜凜肅征袍

春暮憶遷京邸歸期未卜

長安春望五雲低雨捲踈簾日正西新水亂侵楊子  
宅落紅多在武陵溪樓頭樹色天俱遠洞口漁郎路  
轉迷自是歸來無不可王孫莫怨草萋萋  
衰顏難與艷顏期拄杖提携信所之九十韶華無處  
買萬千紅紫任爭奇客遊閬苑鶴空喚春去陽關蝶  
未知代謝升沉如轉轂且歸同醉習家池

滕王閣

洪都輿識夙稱雄景物依稀事不同帝子名留高閣  
在才郎風色一帆空閒雲舒卷青山外明月浮沉白  
浪中一榻尚懸千古夢至今人想豫章公

閔邸報有感邊事

行邊相國領元戎兩策躊躇守與攻北逐未聞三箭  
定東封奚靳一丸功肅霜絕漠終朝變日月中朝萬  
古同不獨紫貂沾寵渥出師寧媿漢臣風

重陽雨夜

搖落天涯鴈影斜踈風細雨野人家客來滿座酒應  
熟節至重陽菊未花萬頃烟霞憑暮景一身天地負  
年華坐深忽聽鳴宵柝觸入邊愁羯鼓過



和咏棋聲閣

從來仙子愛樓居石上清陰映綺疏七日山中春已  
老四翁橘裏意何如驩騰趙壁三軍夜夢破邯鄲一  
枕餘最是囚風敲月下驚聞砧杵動郊墟

淮陰祠

古木寒鴉日已西王孫何處草連隄功成興漢何負  
漢禍隱亡齊欲王齊一飯千金酬壯志扁舟四海失  
幽棲至今弓在思良將詎念長陵風雨凄

黃陵廟

殊方巡幸歷間關帝女羈栖冷珮環烟雨空迷三楚  
望翠華不見九疑還絃凄湘水雙妃怨竹漬啼淚滿  
古斑江北江南無限思鷓鴣聲斷響潺湲

至龍翔寺爲改建山門

名山僧佔人爭羨零落茲山獨可哀飛錫舊應占  
槩傳燈重爲剪荒萊諸天旛影隨風息下界鐘聲動  
地來莫道禪關終寂滅鉢龍從此候春雷

楚王廟

三楚功成百戰奇風雷叱咤渡江時霸圖共碎鴻門

斗泣淚空嗟  
垓下騅真命  
自天原不偶  
英雄蓋世亦  
何爲中分一  
統俱陳迹  
今日乾坤更  
屬誰

### 鄂王廟

奸相班師玩敵鋒  
三軍憤鬱泣相從  
鑿輿未返身先  
死  
諛佞當朝勢不容  
忠膽剖來懸赤日  
英魂歸去度  
黃龍幾回寒夜陰  
風起鐵馬金戈尚折衝

### 留侯廟

興漢休論戰勝功  
運籌千古想儒宗  
陳留天授扶金  
鼎  
博浪先聲斃祖龍  
忍性祗緣雙進履  
遺榮寧念一  
侯封須知出處皆  
黃石海上何曾有  
赤松

### 和袁中郎鴈字詩

青天片幅浣花箋  
點畫橫斜斷復連  
積影溼空蟬  
亂烟雲落紙  
斗參懸蘇卿飛帛來  
何暮竇女迴文織  
未全長笛一聲搏  
紫塞千秋法帖象形先

秋來春去感居諸  
草篆無心任卷舒  
帶雨倒流三峽  
水掠雲共作一行書  
儘教碧落留文藻  
不使紅塵  
蠹魚縱是孤飛未成陣  
也應洒翰點清虛

### 旅次春晴



常年春雨動經旬連喜晴光霽戶延爽氣朝來山映  
紫標條分外眼爭青鳥傳曲譜猶堪和花助詩篇若  
有靈虫羸也應欣自得窮途何用嘆飄零

寄懷  
余維新文學開帳故居爲予少年潛修處過訪

茅簷修竹映疎櫺自是楊雄舊草亭夜雨青燈曾下  
榻春風絳帳此橫經新編燦爛從何授異說縱橫不  
可聽一脈相傳洙泗派吾家小謝賴陶型維新受業

青年今延以訓諸孫

讀七子詩有懷白雲

岱宗樓倚嶽雲垂東望滄溟向晚披露掌清光寒自  
照銀屏落月夜常窺名題漢杜人千古歌和梁川  
一時才子中原復何在鮑山風雨使人思

岳陽樓

飛閣凌虛勢欲騰楚天形勝若爲增剛唵仙子成不  
往作賦群公快一登鄂渚遠從霄漢落君山浮動日  
憑磨崖讀罷先賢記廊廟江湖意不勝

和康山人賦得春陌離情



澹蕩春光烟水滑欲行且止記臨岐  
飛花似失重來路柳色依然送別時  
雨雨風風南浦草鶯鶯鶯鶯上  
林枝遊魂暗逐東風去却怪當年化石遲

九月憶兒燕臺

竹葉分陰綠蟻浮菊苞未吐思悠悠  
高山不淺登臨興好景渾忘老病憂  
帶緩沈腰青雀官帽欹潘鬢白  
雲秋遙知此日燕臺上徙倚心飛故國樓

至日郊祀先期皇子生詔停刑兒年讞獄江南

得回棧消息

鳳曆初陽霽玉宸龍旂奉時展明禋  
精通玄極獻廣見震出東方草木春  
祝網已占湯至德婦南誰念漢  
孤臣衰年嬾逐飛葭舞風動茅簷彩色新

悼牛死

農家八口賴西成厥角俄崩恨五丁  
衰草蕭蕭洲渚夢淒風欵欵葢帷情  
尚思南畝翻雲勢不見東園隘  
月聲想是仙翁招引去應乘紫氣出關城

恩綸覃及恭拜命不襲冠袍

漁樵從古屬閒身榮辱無關與俗親  
章闡自存三代



直沉淪已閱五朝人歷嘉隆萬昌天啟華躬內省翻  
踰分破帽多情却任真短髮從添新歲月衡門槐柳  
倍生春

送友戍松門

生平睚眦謾咨嗟荷戟還乘海上槎知己豈無嚴仲  
子避仇向匿魯朱家三人市裏曾成虎終歲民間且  
捕蛇多少黥名自行伍莫將離思動悲笳

黑鷹

鐵冶翻飛羽化身玄旻一色遠緇塵秋高狡獪看雲

夜暗聞鈴濯雨新傳過異菲霜淡影若從烏府  
芳鄰嗟惟狐兔憑凌甚麋首感揚起渭濱

泊湘江中秋待月

水國微茫狹葦秋淡雲曩月寄孤舟光搖素鬼遮仍  
現影入寒潭咽不流隔岸何人吹玉簫故園此夕  
并州匣珠珍重休輕啟猶恐蛟龍夜出游

秘秋借岳至大路日登湖山庵

靈鷲丹丘夢游登臨便覺此中幽  
度我自尋真得惠休黃葉空庭珠樹晚蒼苔古徑竹

山月詩集 卷之七  
齋秋忙閒勘到無生處雲綠山青月色悠

十五夜無月

謾向盈虧問世情正當圓月暮煙生  
庾公佳興尊空設謝客沈思賦不成  
河漢望穿窗外影關山凄斷笛  
中聲太清豈爲微雲滓雲散天空轉白明

桐陰和清紀

清塵無跡掩香羅欲掃偏如夕照何  
玉井秋高雲鬢金莖夜直月婆婆  
佳人拾翠鷺相同倦似携葉喜  
共過長是彩鸞同氣味翩翩歸影  
夕風多

釣橫橋落成歸憶

回首并州白髮生星橋縹緲墮前楹  
風光忽送亭臺影夢醒猶驚斧鑿聲  
磊落河山搖碧漢浮沉日月懸  
蒼鯨周天獨媿乘槎客奕世虛留濟涉名


乙丑除夕年以使命歸省偕諸弟夜集

江湖多少未歸船世亂尤難畫錦旋  
喜捧紫坭辭闕下連翩彩服話燈前  
興闌剪聖聽殘漏思劇留詩和  
隔年家慶翻應籌國事榆關何日靖烽煙

七山人詩集卷之七終







皇明七山人詩集  
明劉必達輯天  
啟乙丑杭州刊  
本七卷一冊

